



INTERNATIONAL MONETARY FUND



Saopštenje za medije br. 17/86
DOSTUPNO ODMAH
17. 03. 2017. godine

Međunarodni monetarni fond
Washington, D.C. 20431 USA

Osoblje MMF-a okončalo posjetu Bosni i Hercegovini

Saopštenja za medije povodom okončanja misije obuhvataju izjave osoblja MMF-a koje prenose preliminarne nalaze nakon što misija posjeti zemlju. Stavovi navedeni u ovoj izjavi predstavljaju stavove osoblja MMF-a i ne predstavljaju nužno i stavove Izvršnog odbora MMF-a.

Misija Međunarodnog monetarnog fonda (MMF) pod vodstvom Nadeem Ilahi-ja, posjetila je Banja Luku i Sarajevo u periodu od 07. do 17. marta/ožujka 2017. da bi vodila razgovore o nedavnim ekonomskim dešavanjima i politikama za prvi pregled u okviru Proširenog aranžmana sa Bosnom i Hercegovinom. Na kraju posjete, gosp. Ilahi je dao sljedeću izjavu:

“Misija je napravila ocjenu rezultata u pogledu programskih ciljeva postavljenih za kraj decembra/prosinca 2016. godine te razgovarala o napretku na polju strukturalnih reformi. Misiju je ohrabrilo usvajanje razumnih budžeta entiteta i Institucija BiH za 2017., usvajanje zakona o bankama u oba entiteta, izmjena i dopuna zakona o porezu na dobit i agenciji za bankarstvo te ukidanje doprinosa za solidarnost u Republici Srpskoj.

“Vlastima je, međutim, potrebno više vremena da finaliziraju otvorena pitanja kako bi ispunili nekoliko preostalih prethodnih mjera. Konkretno, misija očekuje da: Parlamentarna skupština BiH usvoji povećanja akciza na gorivo i izmjene i dopune Zakona o osiguranju depozita, Vijeće ministara usvoji odluku o limitu na novo upošljavanje za 2017. u Institucijama BiH, Parlament FBiH usvoji izmjene i dopune Zakona o Agenciji za bankarstvo i da Vlada FBiH započne due diligence za BH Telecom i HT Mostar.

“Misija se nada snažnom napretku u provođenju ovih politika u narednim danima, uključujući i od strane parlamenata, kako bi stvorili uslove da do kraja aprila/travnja 2017. godine Izvršni odbor MMF-a razmotri prvi pregled.“